

# ხელშეკრულება სახელმწიფო შესყიდვის შესახებ N12/67

პენიტენციური სისტემის პოლიტიკის შემუშავება, მართვა და ბრალდებულ/მსჯავრდებულთა ყოფითი პირობების გაუმჯობესება 27 01 01  
ელექტრონული ტენდერი აუქციონის გარეშე NAT170014132

ქ. თბილისი

28 დეკემბერი 2017 წელი

ერთი მხრივ, საქართველოს სასჯელაღსრულებისა და პრობაციის სამინისტრო (შემდგომში „შესყიდველი“) წარმოდგენილი მინისტრის მოადგილის თეიმურაზ მღებრიშვილის სახით და მეორე მხრივ, შპს „სოფტმასტერ სერვისი“ (შემდგომში „მიმწოდებელი“) წარმოდგენილი დირექტორის ალექსანდრე ჭიპაშვილის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT170014132) ვდებთ ხელშეკრულებას შემდეგზე:

## 1. ხელშეკრულების საგანი

1.1. ხელშეკრულების საგანს წარმოადგენს სასჯელაღსრულებისა და პრობაციის სამინისტროს დაწესებულებების საზოგადოებრივ მისაღებებში რიგის მართვის აპარატურის (მოწყობილობის) ტექნიკური მომსახურების შესყიდვა, როგორც პროგრამული ასევე დეტალური დაზიანების შემთხვევაში. (CPV50300000 - პერსონალური კომპიუტერების, საოფისე აპარატურის, სატელეკომუნიკაციო და აუდიოვიზუალური მოწყობილობების შეკეთება, ტექნიკური მომსახურება და მათთან დაკავშირებული მომსახურებები), (CPV50310000 - საოფისე აპარატურის ტექნიკური მომსახურება და შეკეთება).

## 2. შესყიდვის ობიექტი

2.1. შესყიდვის ობიექტია რიგის მართვის აპარატურის ტექნიკური მომსახურება.

## 3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს არაუმეტეს 25`620.00 (ოცდახუთი ათას ექვსას ოცი ლარი და 00 თეთრი) ლარს, საქართველოს კანონმდებლობით გათვალისწინებულ ყველა შესაბამისი გადასახადის ჩათვლით.

3.2. მომსახურების ერთეულის და საერთო ფასები განსაზღვრულია ხელშეკრულების N1 დანართში (1 ფურცელი), რომელიც წარმოადგენს ხელშეკრულების განუყოფელ ნაწილს.

## 4. შესყიდვის ობიექტის ხარისხი, გარანტია, მიწოდების ვადა, ადგილი და პირობები

4.1. მიმწოდებელი იძლევა გარანტიას, რომ მომსახურება იქნება მაღალი ხარისხის, უპასუხებს ხელშეკრულების პირობებს და დააკმაყოფილებს დანართით განსაზღვრულ მოთხოვნებს.

4.2. მიმწოდებელი მოცემული პირობების შესაბამისად 2018 წლის 1 იანვრიდან 2018 წლის 31 დეკემბრის ჩათვლით, ახორციელებს შესყიდვლის მომსახურებას.

4.3. მომსახურების გაწევა უნდა განხორციელდეს სასჯელაღსრულებისა და პრობაციის სამინისტროს შემდეგ პენიტენციურ დაწესებულებებში:

1. N2 პენიტენციური დაწესებულება მის: ქ. ქუთაისი, ხარებავას ქ. N85.

2. N5 პენიტენციური დაწესებულება მის: გარდაბნის მუნიციპალიტეტი, სოფ. მთისძირი.

3. N8 და N18 პენიტენციური დაწესებულება, მის: ქ. თბილისი, გლდანისმე-7 მ/რ, მე-2 კმ.

4. N15 და N19 პენიტენციური დაწესებულება მის: მცხეთის მუნიციპალიტეტი, დაბა ქსანი.

5. N16 პენიტენციური დაწესებულება მის: ქ. რუსთავი, მშენებელთა ქ. N60.

6. N17 პენიტენციური დაწესებულება მის: ქ. რუსთავი, მშენებელთა ქ. N64.

7. N14 პენიტენციური დაწესებულება - წყალტუბო, სოფელი გეგუთი.

4.4 მიმწოდებელი ვალდებულია აღმოფხვრას ტექნიკურ პრობლემები 10 (ათი) სამუშაო დღის მანძილზე და რაიმე დაზიანების შემთხვევაში, გამოძახებაზე მოხდეს რეაგირება თბილისში არაუგვიანეს 24 (ოცდაოთხი) საათისა, ხოლო რეგიონში არაუგვიანეს 48 (ორმოცდარვა) საათისა.

4.5 მიმწოდებელი მხარე იქნება სრულად პასუხისმგებელი აღნიშნულ ტექნიკაზე და ვალდებული იქნება შეაკეთოს ან შეცვალოს დაზიანებული დეტალი 10 (ათი) სამუშაო დღეში.

## 5. მომსახურების მიღება-ჩაბარების წესი

5.1. მომსახურების მიღება ფორმდება მიღება-ჩაბარების აქტით, რომელსაც ხელს აწერენ შემსყიდველის მხრიდან შესაბამისად N2, N5, N8, N14, N15, N16, N17, N18 და N19 პენიტენციური დაწესებულებების დირექტორი, ხოლო მიმწოდებლის მხრიდან- დირექტორი ან/და მის მიერ უფლებამოსილი პირი.

## 6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3. ანგარიშსწორების განხორციელებისათვის მიმწოდებელმა უნდა წარადგინოს ხელშეკრულების 5.1 ქვეპუნქტში მითითებული მიღება-ჩაბარების აქტი და საგადასახადო ანგარიშ-ფაქტურა.

6.4. ანგარიშსწორება შემსყიდველის მიერ მოხდება მიმწოდებლის მხრიდან ამ თავის 6.3. ქვეპუნქტით განსაზღვრული დოკუმენტაციის წარდგენიდან არაუგვიანეს 10 (ათი) სამუშაო დღის ვადაში.

6.5. მიმწოდებელმა ანგარიშსწორების განხორციელებისათვის 6.3 ქვეპუნქტში მითითებული დოკუმენტაცია თუ არ წარუდგინა შემსყიდველს მომსახურების დამთავრების მეორე დღიდან 3 (სამი) თვის განმავლობაში, მიმწოდებელი მითითებული ვადის გასვლის შემდეგ კარგავს გაწეულ მომსახურებაზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

6.6. დაფინანსების წყარო: 2018 წლის სახელმწიფო ბიუჯეტი.

## 7. მხარეთა ვალდებულებები და უფლებები

7.1. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს უნაკლო მომსახურების მიღება.

7.2. შემსყიდველს უფლება აქვს:

მომსახურების მიღება/ჩაბარების დროს ჩაატროს შემოწმება/კონტროლი (ლაბორატორიული კვლევა ან უფლებამოსილი სპეციალისტის/ექსპერტის დასკვნა) მიწოდებული მომსახურების ხარისხისა და რაოდენობის ხელშეკრულებასთან და დანართ N1-თან შესაბამისობის დადგენის მიზნით.

7.3. მიმწოდებელი ვალდებულია:

ა) მიაწოდოს შემსყიდველს ხელშეკრულებით და მისი დანართით გათვალისწინებული რაოდენობისა და ხარისხის მომსახურება;

ბ) დაიცვას ხელშეკრულებით და დანართი N1-ით გათვალისწინებული ყველა პირობა;

გ) შემსყიდველს გაუწიოს უნაკლო მომსახურება;

დ) შემსყიდველს მიაწოდოს ხელშეკრულების 6.3. ქვეპუნქტში მითითებული ყველა დოკუმენტი;

ე) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

7.4. მიმწოდებელს უფლება აქვს:

მოთხოვოს შემსყიდველს მომსახურების ღირებულების ანაზღაურება წინამდებარე ხელშეკრულებით გათვალისწინებული პირობებით;

## 8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი შესრულების შემთხვევაში (არაჯეროვან შესრულებაში არ ჩაითვლება საგარანტიო პირობებით გათვალისწინებული მომსახურება), მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.2. მომსახურების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,2%-ის ოდენობით.

8.3. ხელშეკრულების დანართით გათვალისწინებული რაოდენობის მომსახურების მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,2%-ის ოდენობით.

8.5. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

## 9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2019 წლის 31 იანვრის ჩათვლით.

## 10. ხელშეკრულების პირობების გადასინჯვის შესაძლებლობა

10.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული წინამდებარე ხელშეკრულების ჯამური ღირებულების 10%-ზე მეტი ოდენობით გაზრდა.

## 11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ წინამდებარე ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს წინამდებარე ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.4. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

## 12. ხელშეკრულების ინსპექტირების პირობები

12.1. შემსყიდველი უფლებამოსილია განახორციელოს ინსპექტირება მომსახურების მიწოდების პერიოდში ან შემდგომ.

12.2. ინსპექტირებისას ხილვადი დეფექტის, ნაკლის ასევე უხარისხო მომსახურების აღმოჩენის შემთხვევაში ინსპექტირების განმხორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.

12.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

12.5. შემსყიდველის მხრიდან წინამდებარე ხელშეკრულების შესრულების ინსპექტირებას განახორციელებს ლოჯისტიკის დეპარტამენტის მომარაგების სამმართველოს შტატგარეშე მოსამსახურე - მიხეილ დიდიძე.

## 13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია ხელშეკრულებით გათვალისწინებული რომელიმე ვალდებულების შესრულება.

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

ე) ხელშეკრულების ვადის გასვლის საფუძველზე.

ვ) ურთიერთშეთანხმების საფუძველზე.

13.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულებების შესრულებისაგან.

## 14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობით დადგენილი წესით.

## 15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ერთი ეგზემპლარი ინახება მიმწოდებელთან, ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

| შემსყიდველი                                                                                                                                                                                                                                                                                                                                                                         | მიმწოდებელი                                                                                                                                                                                                                                                                                                           |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>საქართველოს სასჯელაღსრულებისა<br/>და პრობაციის სამინისტრო</p> <p>მის: ქ. თბილისი, ზ. ანჯაფარიძის ქ. N27<br/>საიდენტიფიკაციო კოდი: 204564934<br/>სახელმწიფო სახაზინო კოდი:<br/>TRESGE22<br/>ანგარიშის N:GE24NB 0330 1002 0016 5022</p> <p>მინისტრის მოადგილე</p>  <p>/თეიმურაზ მღებრიშვილი/</p> | <p>შპს „სოფტმასტერ სერვისი“<br/>მის: ქ. თბილისი, აღმაშენებლის 172<br/>ს/კ 404431897<br/>სს „საქართველოს ბანკი“<br/>ბ/კ BAGAGE22<br/>ა/ა GE74BG0000000290158100</p> <p>დირექტორი</p>  <p>/ალექსანდრე ჭიჭაშვილი/ 3/ნ 01030032552</p> |

